

YMA thiltum: 1. Hunawl hman that. 2. Zofate hmasawna ngaihtuah. 3. Kristian nun dan tha ngaihsan		
Vol. 43	Issue No. 26	Ramhlun North: Ni 28 June, 2025
CENTRAL YMA THU ■ 23.6.2025 : Pu H. Zothuama (78) Tanhril ni 17.6.2025 atanga chin hriat loha bo chu, chhungkhat laina, tenrual tha leh khawtlangin an zawn hnua pawh hmuh a la nih loh avangin, Central YMA ruahmannain Aizawl City Branch YMA ten zawn chhunzawm a ni a, chhun dar 12:00 velah a ruang hmuh a ni. Bo zawnnaah hian CDRT te pawhin theihtawp an chhuah a ni. 24-26.6.25 : ATI buatsaihin ATI Hall-ah 3 Days Training Programme on Human Rights Literacy hun hman a ni a, Central YMA hnuaia Kumpuan leh Legal Sub-Committee member te an tel. “25.6.2025 : Secretariat Conference Hall-ah High Level Committee on Displaced Persons (Refugees, IDPs) meeting neih a ni a, Pu Lalmachhuana President leh Pu Fabian Lalfakawma Asst. Secretary an tel. 25.6.2025: Chief Secretary Conference Hall-ah State Executive Committee of Samagra Shiksha, Mizoram meeting neih a ni a, Prof. Malsawmliana Gen. Sec- retary a tel. 25-27.6.25 : Chief Minister Pisa, CSR Cell leh Confederation of Indian Industry (CII) tang dun buatsaihin I&PR Auditorium-ah Corporate Social Responsibility (CSR) chungchang zir hona hun hman ni a, Pu Joseph Vanlalhruaia Sailo CEC leh Pu Thangnghinglova CEC te an tel. 26.6.2025 : School Education Deptt. bultumin Vanapa Hall-ah Meichher Golden Jubilee lawm programme hman a ni a, Pu SF. David Ngursangzuala CEC leh Tv. C. Lalthlamuana CEC te an tel.	MBBA CUP (Inter LC/VC Basketball Tournament) Ramhlun North, the 28th June, 2025: Mizoram Basketball Association chuan Ni 3.07. 2025 atang hian MBBA CUP, Inter-Local/ Village Council Basketball Tournament, R. Dengthuama Hall, Mualpuiah an buatsaih dawn a, Ramhlun North pawh tel vel turin hmalak chhoh zel a ni a. He tournament-a kan Local Council Basketball Team turte chu heng mi te hi an ni. Coach : Asst. Coach : Manager : Physio: Player te: Tv. Lalmuanpuia Zote, T-Sec. Tv. Lalrawntluanga Zaucha, V-Sec. Tv. Albert Lalrintluanga, T-Sec. Tv. Lalawmpuia Tochhawng, T-Sec. 1. Pu Michael F. Lalawmpuia (Captain), N-Sec. 2. Tv. Malsawmtluanga (Vice Captain), N-Sec. 3. Tv. Lalruatkima Sailo, V-Sec. 4. Tv. Lawmsangzuala, V-Sec. 5. Tv. Lalruatpuia, V-Sec. 6. Tv. Vanlalruata Sailo, T-Sec. 7. Tv. RD Vanlalhmangaiha, C-Sec. 8. Tv. H. Lallawmawma, C-Sec. 9. Tv. B. Lalhmingliana, T-Sec. 10. Tv. Vanlalnunpuia, C-Sec. 11. Tv. Lalruatkima, V-Sec. 12. Tv. Ricky Malsawmdawngzela, V-Sec. 13. Tv. PC. Lalmuansanga, V-Sec. 14. Tv. Lalmalsawma Zote, C-Sec. 15. Tv. Samuel Ramdintluanga, S-Sec. 16. Tv. Lalvenpuia, T-Sec. te Kan veng Local Council Team te hian duhsakna mi inphal te hnen atangin kan dawng nasa hle a, Local Council chuan thinlung takin lawmthu a sawi a ni. LH Thanga Enterprise chuan Jersey mawi zet mai min tum sak a. Tin, Pu Lalthanzama, K- Sec., Pu Emanuel Lawmkima, C-Sec., Pu Michael F. Lalawmpuia, N-Sec., Tv. PC Lalmuansanga, V-Sec. ten ball min leisak baw. Heng mite hian a tul tula kan hman atan sum leh pai min pe baw. 1. Pu Toia Intoate, (Kings & Prophets Recording Studio) 2. Pu Robert Lalfamkima, (Servamus Plaza) 3. Pu Zodingliana Zote, (Martin Collection) 4. Pu C. Laltlansanga, (St. Joseph HSS) Kan veng LC team te hian ni 05.07.2025 (Inrinni) chawhma dar 11:45 hian Kanan LC team te an hmachhawn dawn a ni. Veng mipui a hmuna min tawiawm thin turin kan inngen a ni.	FIMKHUR LEHZUAL NGAI Tunlai hian kan veng chhungah rukruk a hluar hle a, tunkar chhung ringawt khan kan veng hmun thum laiah in rawkna mai bakah rawk tum hman hman te pawh an awm; Presbyterian English School chu rawk a ni a, Dr. C. Lianmawia Building hnua pawh rawk niin , Gas Cylinder leh thil dang ruk sak an ni. Tin, K-Sec. lamah Pu Lalhmingchhunga te in pawh rawk tum a ni a, a luh hma in rukru hi an nangching hman hlauh. Veng mipuite kan fimkhur zual deuh deuh a ngai a, Inkhawm hlan te, thil tih nikhua a kan awm loh hlana thil thleng a nih thin avangin fimkhur sen chu a har deuh maithei a. Chhungtinin in nghak kan in dah thei lo a nih pawhin kan thenawmte tal lo mitmei deuh tura kan hrilh zel pawh a tha awm mang e. Hemi kawngah hian kan tan rual a ngai khawp mai. Tin, kan vengah zan dar 8 atanga zing dar 5 thleng Security duty an awm baw a. Hengte pawh chhawr thiam ila, a duhawm hle. Harsatna kan neih chuan Phone No. tar lanah hian biak mai nise a tha ang e. Ph: 8798940514 (Security Head)



Dawn Chiang teh..

Hringnunah hian kan duhthusam diak diak in thil a thleng kher lo va, kan duhthusam a thlen loh avânga lunghnur a beidawnna lamtluang kan zawh nghal zel a nih chuan hringnun hahthlâk tak kan hman dawn tihna a ni.

Kan kumhlun lohna khawvelah hi chuan Chuailopar meuh pawhin chuai ni a nei thin a, a chuai avângin a par a chhuah tawh dawn lo tihna a ni hek lo. Kumtluang par pawhin kum tluan zo loh mahse, a kum leha par a thulh chuang lo.

Engkim tan hun ruat a awm tih hi kan hringnunah hian vawng tlat ila, kan duh loh thil te'n min thlen chilh chang awm thin mah sela cham hlen reng tur a ni lo, lo thlen ni a awm chuan kian hun pawh a awm ngei ang tih hi beisei tlat tur a ni. A thim zawng chauh thlir a indawm kun hian nun a tihrehawm zual mai mai a ni.

Engmah hi kumhlun tur reng a awm lo va, dam reng pawh tum ila dam hlen tura siam taksa kan put miao loh avângin, eng tik emaw ah chuan he kan hringnun hi kan thlah hun a thleng dawn tho tho, chuvangin natna khirh takin a chen chilh che a nih pawhin i natna khan i taksa bak a ti hlum thei lo tih hi hre reng rawh.

Pian ni a awm chuan thih ni pawh a awm ngei tur a ni, engkim tan hun ruat a ni si a, thihna hi cho rual ni lo mahse thihna paltlang tawh a hneh tawhtu nun Krista pek kan ni tawh a, amah ringtute chungah thihna hian thil tih theihna a nei tawh lo. Thi mah sela a nung reng ang tih ziaak a ni si a.

Kumhlun lohna tur khawvel a kumhlun kan tum lutukna hian min ti hrehawm mai mai zawk a ni, eng thil pawh dawng sawng thei turin rilru hrisel tak pu chungin inbuatsaih ila, eng thil pawh a êng zawnga thlir a, hmachhawn hi i zir ang u.

Dam leh nawm kan thlak hlelh lûatah kan rilru keimahni ngeiin kan hrem fo tih hi hre thar leh teh ang u, he hringnunah hian kan thuneihna piah lam thil thleng dawng sawng thiam apiang hi mi vannei an ni mai. Eng thil pawh kan hringnun hian tawh sela kan lo dawn sawn dan hian kan hmachhawn dan tur thui tak a hril thin a ni.

Chuvangin engkim tan hun ruat a ni tih hi dawn Chiang teh, engkim tan hun ruat a nih dan hi i pawm thiam phawt chuan hringnun chhiar i thiam sawt ngei ang.



NATIONAL ELIGIBILITY CUM ENTRANCE TEST (NEET-UG) 2025 RESULT LEH MIZO THALAITE DINHMUN

-Dr. Zirlianngura, T-Sec.
(kar hmasa chhunzawmna)

NEET(UG) -2025 hi 4th May 2025 (Sunday) ah exam a ni a. India ram pumah hian NEET (UG) exam center hi 5,468 a awm a, India ram khawpui hrang hrang 552 ah exam hi buatsaih a ni. NEET (UG)-2025 hi mi 22,09,318 in an exam a. Pass mark (cut off) hmuzat hi mi 12,36,531(55.97%) an ni. Mizoram bikah chuan mi 2,417 in an exam a, chuta tangin mi 1,243 (51.42%) in pass mark (cut off) an hmu a ni.

NEET (UG)-2025 result hi ni 13th June 2025 (Saturday) ah a chhuak a. NEET (UG) -2025 exam hi a felfai thaw khat viauin a lang, sawiselnâ lian tham lutuk awm loin, an zo fel thei niin a lang. India ram pumah Mahesh Kumar, Rajasthan ami chu pakhatna niin 686 marks out of 720 a hmu a ni. Ani hian 99.9999547 percentile a hmu a ni. Mark 650 aia tam hmu hi mi 73 lai an awm a ni. NEET (UG)-2025 ah hian perfect score an tih full mark (720) hmuthei hi an awm lo a ni. Mizoram bikah chuan Cynthia Lalhlupuii Shangpliang d/o Dr Zonunthari St. Paul HSS zirlai chu pakhatna a ni a. Ani hian 474 mark hmuin, a percentile chu 96.0882934 a ni. India ram pumah 85,125-na a ni pha a ni. Cynthia Lalhlupuii Shangpliang hian NEET(UG)-2024 a Mizoram atanga pakhatna Jonathan C. Lalhruiatluanga aiin mark hmu tlem zawk mahse a percentile hmuh zat leh All India ranking a neih hi a sang fe zawk a ni. Cynthia Lalhlupuii Shangpliang hi NEET (UG) exam neih tawhah chuan Mizo zirlai zingah percentile sang ber leh All India ranking sang ber nia hriat a ni.

JEE (Main) leh NEET (UG) te mark pek danah hian an Percentile hi sawi lar zawk a ni. Lehkha thiam tak tak te zingah pawh percentile leh percentage hi thil thuhmun a ngai kan la awm tlat a. A danglamna hi kan hriat a pawimawh hle awm e. A Chiang zawk nan English in han dah hmasa ta ila 'A percentage indicates a proportion out of 100, while a percentile indicates the position of a score relative to other scores in a dataset'.

Percentage chu mark za-ah mark kan hmuh

zat kha a nimai a, kan hman thiam leh hman than zawk a ni a, sawifiah ngai lovin kan hrethei ang.

Percentile erawh chu mi pakhat dinhmun exam ve tho midang te nen khai khinna a ni. Eg. Mi pakhat chuan NEET (UG) exam ah 90th percentile a hmu a. Chumi awmzia chu exam zawng zawng atanga 90% kha amah aiin an tichhia (mark an hmu tlem), 10% erawh chu amah aiin an titha, mark pawh an hmu sang zawk tihna a ni.

India rama state lian zawkte khu chu han tluk phak chi an ni lo. Mahse, North East States – Meghalaya, Manipur, Nagaland, Tripura etc a mite nen khai khin in, Mizo naupangte NEET(UG) exam-a kan mark hmuh hi a la hniam hle, tan kan ngai takzet a ni.

NEET (UG) -2025 result a NE State hrang hrang topper ten All India ranking-a an hauh zat hi han tarlang ila- Assam (500 AIR), Tripura (1,621 AIR), Arunachal Pradesh (2,686 AIR), Manipur (3,706 AIR), Meghalaya (12,899 AIR), Sikkim (20,438 AIR), Nagaland (38,878 AIR) leh Mizoram (85,125 AIR).

NEET (UG) exam tan tirh atanga kan mark hmuh dan hi NE State a kan tribal pui te nen han khaikhin chuan kan la hniam hle, a lungawithlak vak loh a ni. NEET (UG) exam thin te hi MBSE hnuaia Class 10 leh Class 12 board exam-a a titha tha te an ni tlangpui leh nghal. Kan result ngun taka han chik chet chet hian UPSC exam-a Mizo thalaite kan tling thei ta meuh lo hi thil mak vak niin a lang lo. NEET-UG exam atang hian zirnaah kan level hi a lang Chiang viauin a hriat. Zirna peng hrang hrangah Mizo te tan lak kan ngai takzet a ni.

E-STAR COMPUTER CENTER

(MSCTE Govt' Approved Institution)

FREE ADMISSION!!!

2025

DCA -1&2 Sem July - Dec a zir duh tan

Admission a tih leh theih ta e.

Contact no- 8731875084/7005421131

PAN CARD ,Aadhaar card download,Employment

Registration, Income,Residential leh

In hmun hming thlak kan buaipui thei bawk e.

ER ZOSANGLIAN BUILDING ZOTE ARCADE 3RD FLOOR
NEAR D-3,OPPOSITE NAZARETH HOSPITAL RAMHLUN NORTH

Editor: Eddie Lalfakzuala (7005269255); **Jt. Editor-te:** Lalrotluangi Zote, RK Lalmuanpuia, Lalhnutluanga, Vanengmawia

Manager: C. Lallianzuala (9862365843); **Asst. Manager-te:** Zodingliana, Lalrinchhana, Lalrinawma

Circulation Managers: PB Lahuapzauva, Samuel Lalhlupuia, Hmingthanazuala, Vanlalrinkima, R. Zodinsanga, Zothankhuma, Lalrinchhana, K. Lalmuanpuia

MARYMA	PHEK 3-NA	RN YMA CHANCHINBU
ZIN & HAW ■ Pu H Lalruatlina (Ex-President) chu Mumbai atangin a u boral avangin a lo haw. ■ Pu C. John Saiparlina, T-Sec. chu Vanzau Pastor Bial a Synod Campus Ministry Rawngbawlna a zin chu tluang takin a rawn haw leh ta. ■ Pu David Laltpuia V-Sec. chu in checkup in Kolkata-ah an kal ■ Pu C. Lallawmsanga te nupa N-Sec. in checkup a Delhi kal chu an lo haw leh ta. ■ Nl. Lalremsiami Khiangte c/o Zohmingthanauva, V-Sec. chu a zirna hmun New Delhi ah a kal leh ta. ■ Pu David Laltpuia te nupa V-Sec. in checkup a Kolkata-a kal chu an lo haw leh ta ■ Dr. Vanlalhlana, Bialtu MLA chu Primary School thar hawng turin NE Khawdungzei ah a zin. Pu Lalrothianga S-Sec, Pi Lalhmachhuani, T-Sec. leh Pu Lalduhsanga, K-Sec. ten an tawiawm. ■ Pi R Lalrinsangi w/o Kapthanga, V Sec Kolkata zin chu dam takin alo haw leh ta. ■ Pi Lalrinawmi w/o Jimmy Zosangliana Sailo, V-Sec. Kolkata-a zin chu dam takin alo haw leh ta. ■ Tv R Lalrosanga, V-Sec. Kolkata-a zin chu dam takin alo haw leh ta. ■ Pu Emanuel Lalmuankima Sailo te nupa, T-Sec. Kolkata-a zin chu dam takin an lo haw leh ta. ■ R. Lalchhandami D/o R. Lalremruata S-Sec. chu a zirna Delhi atangin chawlh hmangin a lo haw. LAWMAWM ■ Pu Steward Lalrochama leh Pi Marina Lallianzuali, V-Sec. te chuan ZMC & H-ah fanu a nei thar. ■ Er.R. Rohmingliana, MLA chu World Taekwondo Black Belt 1st Dan a ni thar. ■ Dr. H. Lianthangpuia K-Sec. chu superannuation pension-in Aizawl Civil Hospital atangin a chhuak. ■ Pu K. Lalnithanga, C-Sec. chu superannuation pension in a chhuak fel ta. ■ C. Lalhlimpuii, C-Sec. leh David Lalchhanchhuaha, te chu ni 27.06.2025 khan Tuikual South Presbyterian Kohhran Biak Inah an innei.	LEI PIAH LAMAH  TC. Lalrinpuia, K-27, s/o Lal chhuanawma, C-Sec. chu ni 22.6.2025 chawhma 10:35 khan a boral a, a ruang hi lumen a nih hnuah a tuk ni 23.06.2025 Chhun dar 12:00 ah Ramhlun North thlanmual, Zemabawk ah vui a ni. PC. Lalnuntluanga, K-73 h/o LV. Zonuntluangi (L) T-Sec. chu ni 25.6.2025 tlai dar 5:45 khan a boral a, a ruang hi lumen a nih hnuah a tuk ni 26.6.2025 chhun dar 12:00 ah Ramhlun North thlanmual, Zemabawk ah vui a ni. Vanlalpari, K-92 m/o Tuikhuahtanga, N-Sec chu ni 27.6.2025 zing dar 1:15 khan a boral a, hemi ni vek chawhnu dar 1:00 ah Ramhlun North thlanmual, Zemabawk ah vui a ni.  Lusun khawhar chhungte thlamuantu Pathianin vengin awmpui zel rawh se. THILDANG Hlamzuih: Lalhmangaiha (ni 2 a upa), a pian hlina nuin a kalsan, Zo-Inspiration in an enkawl chu LRM Hospital-ah a boral a, kan veng thlanmuala hlamzuih phumnaah phum a ni. KOHHRAN ■ SALVATION ARMY : Ni 26.6.2025 (Ningani) khan Training on Corps Accounting System (International Financial Accounting Standard) Central North Division chu Ramhlun Corps-ah nghah a ni. ■ PRESBYTERIAN Ramhlun North: Naktuk ni 29.06.2025 (Pathianni) hian Ramhlun North Presbyterian Kohhran chuan Tual Upa an thlang dawn. KTP ten Industry Penga hoarding an tar chu a chhiat deuh tawh avangin vawiin khan tar that a ni.	DAMLO ■ Pu Lalnunpuia Lungchuang T-Sec. hi Lung lam harsatna a neih avangin Hospital-ah enkawl mek a ni. ■ Pu Lalramchhana K-Sec. Synod Hospital, Durtlang a awm chu dam takin lo chhuak leh ta. ■ Pi Vanlaldini d/o Rualkhama (L), V-Sec. chu LRM Hospital ICU atangin HDU ah sawn a ni. ■ Pu Zorammuana T-Sec. chu Ebenezer Hospital-ah enkawl mek a ni. ■ Pu Lalhmunsiamia Varte leh Malsawmkimi te nupa, C-Sec. chu Aizawl hospital atangin in lama inenkawl chhunzawm turin an lo chhuak. ■ Pi Huanhmingthangi N-Sec. chu taksa chak lohna avangin in lamah enkawl mek a ni. ■ Pu C Lalengliana, V-Sec chu natna hrang hrang avangin LRM hospital-ah enkawl mek a ni. LOCAL COUNCIL 1) Ui neituten kan Ui thlalak June thlachhung a thehluh vek tur ani. 2) Ui neituten kan Ui number awrh tura kan inpek kha awrh tir vek tur ani. 3) July thla atangin Ui chhuak man tur ani a, khawlaia ui a neitu awm lova chhuak an awm chuan Ui number Chiang taka langin thla lak tur ani a, thlalak hi Local Council Member te hnenah whatsapp in emaw thawn tur a ni. 4) Ui chhuak man a nih in Ui neituin Rs 1000 an chawi anga, a mantu / thlalak thawntu in Rs 500 an hlawh ang 5) Local Council Member ten Ui thlalak inang dawn an neih chuan an dawn hmasa zawk pawm a ni ang. 6) Ui neituten kan Ui inthiar tura kan hruaiin an ek funna tur kengin felfai taka thenfai vek tur ani. A neitu tel lova khawlai a inthiar tura chhuah khap tlat a ni. PAWL DANG Ramhlun North Beautification Club hruaitu 2025- 2027 in thlan fel a ni: Chairman - Pu H. Zothansanga Vice Chairman - Pu Laltnamawia Secretary - Pu Zodingliana Zote Asst. Secretary - Pu Lalhruaitluanga Treasurer - Pi Lalramhluni Fin.Secretary - Pu Lalliantluanga Hauhnar HRIATTIRNA Pi/Pu Hualhnuna s/o Zauva Ramhlun North Veng hminga LSC/House Pass/Shop Pass/Stall Pass/ P. Patta No. 826 of 1991 veng ami hi a ti bova rawn in sawiin Re-issue a rawn dil a. A dil anga tihsak a rem lohna tur chhan eng pawh hria chuan chanchinbu a chhuah atanga ni 30 hma ngeiin a hnuaia Address zikah hian hriattir tur a ni. Hetiang LSC/House Pass/Shop Pass/Stall Pass/ P. Patta pekchhuah leh a lo nih chuan LSC/House Pass/Shop Pass/Stall Pass/ P. Patta hmasa chu cancel nghal a ni ang. Sd/- Director, Land Revenue and Settlement Mizoram: Aizawl

MARYMA		PHEK 4-NA	RN YMA CHANCHINBU
📰 ARTICLE AWMNA TUR HMUNAH - H. Zothansanga, T-Sec. Thil engkim mai hi siamtu hian a awmna tur hmun a awm turin mawi takin a siam a. ‘A thilsiam te a en a, tha a ti hle a’ tih Bible ah kan hmu. Awmna tur ni lova thil a a awm vanga mihring te kan buai nasat thin zia hi sawiin a siak lo. Faina kawnga hmala thin tute tawng kauchheh lar tak chu, ‘A awm lohna hmun tur a thil awm chu bawlhhlawh a ni’ tih a ni a. Chuvangin, a awmna tur hmuna thil awm hi mihringte kan nun hona kawng tinrengah hian a pawimawh tak zet a ni. Local Traffic Management Committee (LTMC) te’n veng chhung a lirthei awmze nei lova dah/hung thin te tih rem tumin theih tawpin hma an la a. He an hmalakna rah hi kan tel mek a. Tun dinhmunah chuan kan lirthei dah dan te pawh a felfai sawt ta hle mai a, a lawmawm tak zet a ni. Hemi chungchang ah hian vengchhung mipuite kan pawimawh a. Khawtlang tana tha tur a ni tih hria a, theih tawp a kan tawiam a tul a ni. LTMC te’n hma an lak a tul chhan ber pawh a dahna hmun tur garage leh parking place a lirthei kan hun loh thin vang a ni ber a. Kan lirthei te kha a awmna hmun turah awm se chuan kan buaina tam tak hi a kiang mai dawn a ni. Kan nitin eizawнна leh hnathawhna ah pawh hian kan bu zawl luah lova kan chhuahsan thin avanga harsatna hi tam tak a awm a ni. Kan eizawнна in a tuar a, Office kai kan nih chuan kan hnain a tuar a. Chu chuan hmasawнна hnathawh a ti thuan awp thei bawk. Sorkar-in kan mamawh chi hrang hrang min ruahman sak a. Bazar tur a ruahman reng lai a hmun danga in zawrh tlat te, kawngpui lirthei tlanna tura siam ah bungrua hnawk taka dah tlat te. No Parking tih in tarna hmuna lirthei inhung tlat te. Thil a awmna turah awm lova, a awm lohna hmun tura a awm ta thin hi kan nitin nun a buaina thlen tu lian ber pakhat chu a ni awm e. Mi cheng vawng tak chuan a thil hman te a dahna hmunah a dah leh thlap thin. Hman leh dawn hunah zawn buai ngai lovin hman leh mai theih a ni. Mahni thil, a dahna hmun a dah kir leh peih lo te hi an buai thei hle a, haihawt deuh tan hlei hlei hian a dahna hmun a thil dah that hi a pawimawh a ni. Vantlang zunin thatak tak siam a ni a. A maherawhchu, vantlang zunin ah chuan zun mai duh tawk lovin a dang kan hnutchhiah tel thin a. Zunin a awm lo tur kha a awm tlat avangin harsatna alo awm ta thin a ni. Hei hi Mizote kan mualphona lian tak pakhat a ni a, hmasawn kan ngai khawp mai. Chhungkua ah Nu leh Pa te hi kan pawimawh em em a. Pathian min siam danah Nu chu in a awm tam tur leh fate kilkawi tur an ni. Chutiang ni lova, Nu ber a chhuah reng mai chuan chhungkua in a tuar ngei ngei thin. Tin, chhungkaw Pa ber, nupui fanaute uap lum tur, thil tul ni lovavak chhuak reng mai, zan khaw tairek thleng thleng a leng chhuak thin kan awm bawk. Nu leh Pa te hi kan eizawнна hmun tih loh ah chuan inchhungkhurah a tam thei ang ber kan awm tur a ni. Chu chu kan fate tha taka an lo thanlenna atana thil pawimawh ber pakhat a ni. ‘Nang i awmna hmunah, kei ka hmunah’ tih hla kan sak thin ang khan mitin te hi kan awmna tura dik ah awm theuh ila, kan bungrua leh thil neih te pawh a awmna tur dik takah dah thin ila. Rinawm takin nung ila, midangte tana hnawk sak lova khawsak tum bawk ila, ram leh khawtlang nuam kan siam mai dawn a lo ni.	BA PASS THARTE CHAWNGBAWLA 1. Lalnunsangi d/o Malsawmtluanga (L) 1st Div. (English) 2. Laltlankimi d/o Sapliankunga (L) Dist. (History) 3. Lalrinzuali d/o Joel Lalrinchhana. 1st Div. (English) KHUANGCHERA 1. Lalhruaitluanga Ralte s/o Lalthlengliana. Dist. (Topper in Geography). 2. Ch. Lalrinawma s/o Ch. Lalbiakmawia (L). Dist. (3rd Position in Geography) 3. Ch. Lallawmawma s/o Ch. Lalnunkima. 1st Div. (Geography) 4. Zonunsangi d/o Remlalliana. 1st Div. (B.Sc) 5. Ramdinpuui Singson d/o Lalramhluna 1st Div. (Public Administration) SAIZAHAWLA 1. Isaak Lalhmunsanga s/o David Laltlankima 1st Div. (History) 2. Lalmalsawmkimi d/o Lalthlamuana. 1st Div. (History) NEUVA 1. Lalthansanga s/o Zodinsangi 1st Div. (English) 2. Jakob Laldinmawia s/o Rev. Dr. Vanlalnghaka 1st Div. (English) 3. Judy Lalrinchhani d/o C. Lalrosanga. Dist. (B.Com) VANAPA 1. C. Lalruatkimi d/o C. Lalhlimpuia 1st Div. (H.Sc). (Pass thar in report na Ph: 9862132688 whatsapp) ADVERTISEMENT PUANTHUI ZIRNA Eizawнна tlak a Puanthui zir duh tan, Ramhlun Venglai, Mercy Pet Care hnuai ah Admission hawn mek ani e, chhunlam a zir hmanlo tan Night shift kan nei bawk e. Ph : 9862792354 COMPUTER CLASS FREE ADMISSION CCA/DCA December exam turin Free Admission hawn mek a ni leh ta e. . . Free Study Materials. Free PC Hardware Maintenance & Windows/Software Installation. Mon - Fri Class kal hman lo tan Saturday-ah Class a kal theih bawk e. Class timing 7:00am - 6:00pm (Mon-Fri) HI-TECH INSTITUTE OF COMPUTER Zarkawt (Near Traffic Point) & Ramhlun North (Industry peng. Opp. Traffic point) 9862343182 / 9089612701(WhatsApp/Call) JOHAN'S COMPUTER INSTITUTE (JCI) (GOVT. APPROVED INSTITUTION) Near LH Thanga Enterprise, Industry Peng, Ramhlun 'N' Contact No. 7005608874 COMPUTER CLASS (Jul - Dec Session) FREE ADMISSION OPEN COURSES: Timing: Instructor: 1.CCC; 2. DCA 1st & 2nd Sem 6:30am-8:30am 10:00am-5:30pm 6:30-9:00pm C Lalbiaknunga (Nungtea), BE Comp. Sc & Engg. COMMON SERVICE CENTRE (CSC) kaltiangin hengte hi kan ti thei bawk Pan Card Motor Insurance Learner's Licence Tribal/Residential/Income Certificate Indian Passport GST Registration UDYUM Registration Inhmun Hmingthlak (Sales & Gift Deed) Bank Mortgage & Release Lease/Rent Agreement Golden Card eRAM Revenue		

Published & edited by Eddie Lalfakzuala for and on behalf of Ramhlun North Branch YMA. Copies- 1,270